

Broj: 2946-5-MBD/25

Datum: 25.12.2025. godine

Na osnovu člana 70. Zakona o javnim nabavkama BiH („Službeni glasnik BiH“, br. 39/14, 59/22 i 50/24), člana 18. Pravilnika o javnim nabavkama Lutrije BiH br. 03-3158/22 od 09.12.2022. godine i Zapisnika o pregledu i ocjeni ponuda Komisije za javne nabavke br. 2946-4-MBD/25 od 24.12.2025. godine, direktor Lutrije Bosne i Hercegovine, donosi

O D L U K U

**o izboru najpovoljnijeg ponuđača po otvorenom postupku
za javnu nabavku broj 158/25 od 18.11.2025. godine**

1. Kao najpovoljniji ponuđač po otvorenom postupku za javnu nabavku roba broj 158/25, objavljenom na Portalu javnih nabavki BiH pod brojem **523-1-1-149-3-129/25** dana 18.11.2025. godine i u Službenom glasniku BiH br. 70/25 dana 21.11.2025. godine, a u skladu sa Zapisnikom o pregledu i ocjeni ponuda Komisije za javne nabavke, elektromaterijal, rasvjetna tijela i dekorativna rasvjeta za potrebe održavanja objekata Lutrije BiH, izabrana je ponuda sljedećeg ponuđača:

LOT 1: Elektromaterijal za objekte Ugovornog organa

„CRAFT STUDIO“ d.o.o. Konjic, sa cijenom u iznosu od 24.969,00 KM bez PDV-a.

LOT 2: Rasvjetna tijela i dekorativna rasvjeta sa ugradnjom u objektima Ugovornog organa

„CRAFT STUDIO“ d.o.o. Konjic, sa cijenom u iznosu od 28.625,00 KM bez PDV-a.

2. Ponuda ponuđača iz tačke 1. ove odluke ocijenjena je prihvatljivom, jer ispunjava sve uvjete postavljene Tenderskom dokumentacijom, a u skladu sa kriterijem za dodjelu ugovora, ponuđač je ponudio najnižu cijenu.
3. Izabranom ponuđaču ponuditi dodjelu ugovora o javnoj nabavci.
4. Za realizaciju ove odluke odgovorni su Sektor za pravne i opšte poslove i Sektor za finansijske poslove.
5. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
6. Ova odluka se primjenjuje danom donošenja.

Obrazloženje

U predmetnom postupku zaprimljena je 1 (jedna) ponuda i to ponuđača: „CRAFT STUDIO“ d.o.o. Konjic, za LOT 1 i za LOT 2. Komisija za javne nabavke, imenovana

Rješenjem broj 03-1138-2/25 od 30.09.2025. godine, izvršila je pregled i evaluaciju dostavljene ponude, te konstatovala da je zaprimljena ponuda prihvatljiva. Nakon izvršenog pregleda i evaluacije dostavljene ponude, Komisija je dostavila direktoru Zapisnik o pregledu i ocjeni ponuda broj 2946-4-MBD/25 od 24.12.2025. godine, zajedno sa preporukom o izboru najpovoljnijeg ponuđača. U postupku ocjene provedenog postupka, direktor nije našao razloge, nepravilnosti niti propuste u radu, koje bi eventualno bile osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač je dostavio prihvatljivu ponudu, a u skladu sa zahtjevima naznačenim u tenderskoj dokumentaciji, te kriterijem za dodjelu ugovora, ponuđač je ponudio najnižu cijenu za za LOT 1 i za LOT 2. E-aukcija nije održana obzirom da je dostavljena jedna prihvatljiva ponuda za LOT 1 i LOT 2.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi BiH putem Ugovornog organa i to na način propisan odredbama člana 99. i 105. Zakona o javnim nabavkama, u roku od 10 (deset) dana od dana prijema ove odluke.

Dostaviti:

- Sektor za pravne i opšte poslove
- Sektor za finansijske poslove
- Ponuđačima po javnoj nabavci broj 158/25
- Komisiji za javne nabavke
- Nadzornom odboru
- a/a.

 **DIREKTOR**
Edhem Pašukan